

新纂雲南通志卷二百二十三目錄

義行傳二

臨安府

明

于有忠鄒俊等

清

王敬德楊向榮

謝正

潘汝梅

張昭

羅會恩

丁樹椿瞿蔭堂等

矣浩

趙振洛盛恩等

張人紀朱藩等

張寅

唐偉

楊紹邴

李春霖

鄒誠

陳光輝

王行可

郭廷義

呂顯文

王時熙

楊紹燮

解武勳

楊北

汪士吉

張鵬程

趙自中

新纂雲南通志

卷二百二十三 義行傳二 目錄

孫綸揚

向自蔚

何逢年

徐慶餘

張德峯

張釗紘

錢正圜

周允徽

楚雄府

明

俞沛

謝為憲

清

楊毓昌汪濤

孫庭詔

施琳

金章

丁惟恕

郭子容

關偉

李春郁

方麗中

郭兆燿

羅宗閔

曹國華

張廷梁

郭士瑞

李中清

澂江府

明

侯福緣

黃閣

劉獻可

王攜柱

清

李冕

徐占甲

林漢文

李金安

趙廷佐

李纘甲

黃爾泰

李昭

周雲藻

馮飛熊

黃德金

寧先聲

潘永清

順寧府

清

杜堂

曲靖府

明

張化

楊科

楊必達

徐櫛

彭世忠

馬邦俊

馬新民

胡宗元

清

陳鳳韶

樊上林

張源

桂體乾

田肇宇

義僕

李文耀

徐楚

高炳

符聯瑞

侯啓元

何新春

趙掄元

新纂雲南通志卷二百二十三

義行傳二

臨安府

明

于有忠鄔俊楊時興皆建水人董大成署峩人皆樂善好施道光志

清

王敬德蒙自人諸生聘段氏女值寇亂女罵賊求死賊割其耳鼻并斷兩指女父以廢疾辭敬德曰夫婦人倫之首形雖殘毀心如金石此而可棄如名教何卒娶之生子六人通海楊向榮其聘妻亦先有廢疾或勸別娶不從咸見稱於時參雍正志臨安府志

謝正石屏人貢生好義推誠素為鄉里所重康熙四年土酋龍韜叛

新纂雲南通志

卷二百二十三 義行傳二 臨安府 明 清

一

攻城正倡義散財率鄉人竭力固守城賴以安雍正志

潘汝梅字和庵蒙自人少孤善事孀母母齒早落每食必取溫軟以

進處兄弟服食器用無畛域終身不分爨工書畫尤工騎射雍正癸

卯武舉恬靜謙卑不與外事且廉隅自持曾於道旁拾得芷村張榮

金三十兩候於道左還之張酬以半不受後又拾得王永祚遺物一

包內亦有銀仍盡反之閭里服其廉介稱為蒙自武孝廉第一人採訪

張昭通海人武生家小康見義勇為乾隆四十九年飢設粥武廟就

食者日千人一時好義之士皆助之存活甚衆臨安府志

羅會恩字際唐號南畊石屏人鳳彩孫性醇孝有文學家世仕貴獨

能刮磨豪習不為華靡縱故事父歿使婦侍母寢乾隆戊子舉於鄉

選授安寧州學正以母老辭不行居家與兄弟友愛彌篤遇族戚誠

且直尤好施予嘉慶初地震壞敗民廬舍老弱流轉失所會恩出家
中藏粟爲饘粥相振救及疏濬異龍湖口鄉人賴利九年卒年六十
一所著有南畊詩文集若干卷

參姚鼎撰墓表江濬
源撰墓誌及採訪

丁樹椿字齊園石屏人嘉慶中貢生初家貧祖遺薄田讓與兄弟獨
遠出營商及致富歸又與兄弟合產城東門外沿異龍湖大路長數
十里每遇天雨泥濘難行樹椿悉鋪以石閭邑稱便朱履倡建玉屏
書院及賑饑樹椿均竭力助之出款次於腰鄉里推善士焉又有瞿
蔭堂者亦石屏人出款修南門外大路數里行人便之又余應鴻者
亦石屏人出款建寄生所貧者深德之又毛汝勤者亦石屏人出款
倡修大水城通陸之路湖島遂有路可通島民便之

深訪

矣浩字其天建水人少貧與諸弟竭力營甘旨後家稍裕即施藥餌

壬申之歲疫大作捐棺樽至二千有奇其義地育嬰堂廟宇橋梁等

事浩捐助之力居多浩歿題准入忠義孝弟祠

道光志

趙振洛盛恩楊宗榮傅爲詵皆建水人董奇英石屏人尹時松馮嗣
祁皆阿迷人楊運泰蘇尙友皆河西人徐宏勳署戡人車案蒙自人
並有拾金還主之事

道光志

張人紀朱藩李標之王教民皆建水人楊于陞伍明德伍端鄭子元
孔尙珏胡士元伍緯皆阿迷人曾誠通海人向澎河西人童廷試童
之英孫晟劉琨杜世瑜皆署戡人均以樂善好施見稱

道光志

張寅字開泰石屏人國學生道咸間經商思茅信用爲各商冠幼失
怙恃事叔父母如父母其叔爲緯六赴禮部試寅先後匯寄數千金
其從弟宸爲怨家所陷繫獄破產寅千里迎其叔父母及從弟從姪

等十五人於思茅養之復爲從弟三人續絃會亂事起商務停頓食
指繁多遂全耗其資產以窮困卒終無怨言採訪

唐偉建水人性純孝母患癩疾親爲澣洗藥皆親嘗數年不易家小
康自處甚約而於地方善舉無不竭力爲之光緒志

楊紹邴字景鶴河西貢生事親能繼其志祖父皆業醫紹邴繼之凡
有求者雖風雨必往診視遇貧家不取貲更予以藥族黨中不能自
存者竭力周卹無使失所凡施棺木修廟宇置漏澤等諸善舉皆竭
資爲之又以邑士多貧鮮應試者倡設卷金俾士皆得與試子鍾璧
登拔萃科亦能繼其行光緒志

李春霖建水人庠生性耿介好義妻歿遺孩襁褓終身不娶讀書訓
子家小康卹貧困卒年八十孫曾蕃衍光緒志

鄒誠建水人監生報捐鹽課大使能周人急不屑治產喜購書藏之
晚年好善益篤倡修關索嶺通衢建化落村橋里人高之光緒志

陳光輝建水人慷慨好施道光初年出貲建西安橋捐田租四十餘
石充煥文書院膏火光緒志

王行可建水人樂善好施道光九年捐貲建天柱塔於東山經營數
年力行不懈光緒志

郭廷義建水人持躬儉約衣不完采食不重味濟人之急甚於己之
急諸所施捨惟恐人見焉光緒志

呂顯文建水人敦行孝友好施與道光間倡修五夫子祠重修倉聖
祠鄉里咸稱之光緒志

王時熙建水人貢生家貧嗜學道光二十年育嬰養濟二院積款均

爲鄉豪乾沒窮民無依時熙肇畫一新潔已奉公數年添置義倉租二百餘石鄉人便焉光緒志

楊紹燮河西人貢生幼失怙舌耕奉孀母溫溫色養尤精歧黃活人甚衆嘗倡修學宮武廟置義田以贍宗族設義學以訓鄉愚光緒志

解武勳河西人性豪爽與里人曹玉潤同賈居積致富咸豐間亂起倡義守城敵百計攻圍不下無何軍資竭闔邑驚惶無措二人請傾囊以助軍有司允之置糧給餉衆心始定敵退而城不陷二子與有力焉道光志

楊北阿迷人家赤貧其兄培業儒北任家政數十年勤儉致富生一子兄培有子三議析產北慨然曰兄得勿以子多爲嫌乎夫世常有五世同居者產終不析嘗倡建文昌宮奎閣及玉皇三清諸殿閣又

修橋路施棺掩骼歲暮暗濟貧乏其子于陞貢生有父風光緒志

汪士吉通海人性好施與嘗出貲修文廟助卷金籌捐鄉里夫役費咸豐間匪至其里居相戒勿犯子自修成進士任山左知縣人以爲

盛德所致云光緒志

張鵬程通海人性誠慤好義咸豐丙辰亂起士民避匿誦讀無聞鵬程慨然曰禮樂可靖干櫓特患不激勵耳遂捐千餘金於秀麓書院作膏火費士氣遂振興焉光緒志

趙自中通海人道光丙午歲貢與兄弟共財毫無計較鄉黨中之困乏者尤能賙濟隱居授徒不樂仕進光緒志

孫綸揚建水人妻死遺一子終身不娶撫子成立歿入祀忠義孝弟

向自蔚字馨亭號實園河西人道光戊子舉於鄉大挑知縣以親老不願遠官改教職任麗江教諭有志節生平存心行己皎然不苟咸同間亂作自蔚任東鄉團總事有婁兮匪首馬驥糾衆來蹈藉東鄉抵小街即欲肆其焚掠自蔚聞之立往說阻之曰吾昔忝掌貴境書院今爲東鄉團總若能爲我開一面之網以免此方兵燹之劫幸甚即不能請先焚我敝廬馬驥初不允繼見其義奮辭決憮然曰昔先生主講我婁兮書院道德學問無不尊仰我爲先生以免此方之難可也於是止焚率其徒衆而去又嘗於鄉約所拾遺金數十兩揭帖招認久之無有認者自蔚乃以此金擴建鄉約所後層土主殿化湫隘爲軒敞邑人稱之

採訪

何逢年蒙自人家極貧以賣涼米線爲業自城挑赴新安所沿街喚

賣日賺百餘錢一日在路見遺物一包拾視之銀二百餘兩遂守候失者日昃失者踉蹌奔至問之逢年盤詰其包裹錠件悉合出還之失者酬以十餘兩不受疑其嫌少加倍與之曰我不全數攜之去待汝半日而受汝分給乎卒不受

採訪

徐慶餘蒙自人家世業農性和順不與人爭知刀創藥有延醫者深夜必起遠險必赴不索藥資全愈者多嘗謂子曰救疾如救火視人痛當如己痛里人公贈以熱心仁術額其子亦能繼其志

採訪

張德峯字萬選號星槎蒙自箇舊人咸豐己未之變父維祖捍患死於難德峯被俘半載逸歸廬舍蕩然寄居外祖木花果劉文燦家每樵牧之餘即閉戶讀書庚午入泮以軍功歷保至分省補用同知賞戴花翎顧無心仕進一意經營錫鑛遂以致富爲人樂善好施修築

木花果至箇舊道路並於六郎里三家坡修建水缸一支籌集挑水工役的款以濟行人之渴其他如修族譜置祭田恤孤貧置義地施棺掩骨設敬節堂修彌陀菴壽佛寺均盡力爲之丙午丁未之交旱魃爲虐邑中大饑集同志醵金平糶活人無算迤南道陳燦贈善行可風匾額及聯以旌之每代友人償債多至四五千金年六十六無疾而終妻章氏亦好善普薩河新橋即其捐貲所修云

採訪

張釗紘字榛輿原名思敬字箴予石屏人宸子光緒乙亥舉人少負異才讀書日記數千言外祖袁襄武藏書最富釗紘日往就讀甫弱冠遂盡通廿一史暨中國輿地諸書及壯好武事喜任俠凡地方公益事知無不爲如光緒戊寅歲倡改磨古河大木橋爲石橋至今近七十年不再有爲水沖去之患壬午歲送石屏廠戶砂丁萬餘人入

箇舊復業調和建石兩屬感情至今六十餘年不再有建石之爭乙酉歲偕建水紳士錢正圜叩馬諫止勦壩心之官兵調解石屏下四鄉漢夷之爭至今六十年漢夷相安無事其最著者也英人取緬甸釗紘上書總督岑毓英請赴救毓英命招募鄉兵千人與總兵袁善副將李文秀分道入緬行至大理下關會朝議棄緬而止事雖不成時論壯之後因倡率紳耆告知州楊華本貪酷反爲所誣被褫革乃入省城設帳授徒從游多知名士暇則與經正書院諸高材生文戰以爲樂己亥歲山陰全懋績署雲南按察使重其才兼察其冤呈請總督崧蕃奏爲開復然被廢已十餘年無復進取之志乃入箇舊開鑛三十年所得除創辦崇實學堂七年外皆隨手揮霍不留財以遺子孫識者稱其曠達卒年八十四釗紘著作以詩及駢文爲最佳論

說次之晚年遭箇舊匪亂全稿被毀其門人子姪爲之搜集得詩文數十首付印名榛輿遺稿

參旅箇石屏同鄉會張公榛輿行狀秦光玉榛輿遺稿序及石屏縣採訪

錢正園字漁村建水人性慷慨見義勇爲光緒乙亥舉於鄉癸未成進士選翰林院庶吉士以憂歸乙丑散館改樂亭知縣歷任南宮棗強等縣有政聲

採訪

周允徽字蓮峰蒙白人光緒乙亥舉人家饒於財品高行潔樂善好施鄉里有善人之目卒年八十六

採訪

楚雄府

明

俞沛楚雄人家貧力學郡弟子治禮記者多出其門嘉靖六年武定之亂廣通被燹郡人驚怖沛與郡守祝公謀守禦方略義激兵憲周

新纂雲南通志

卷二百二十三 義行傳二 臨安府 清 楚雄府 明清 七

公致留北勝之兵爲守一日祝公巡城忽有流矢之驚沛詣代爲之

巡鄉人義之

萬曆志

謝爲憲楚雄人諸生沙賊亂遇諸塗刃脅不從斷一指仍不屈遇救

獲免

楚雄縣志

清

楊毓昌楚雄人監生雍正十一年捐金二千餘兩於伯魚河建石橋一座年久爲大水所壞毓昌子貢生世相重葺後又壞世相子炳倡修鞏固名繩武橋同邑有汪濤者亦以好義聞

楚雄縣志

孫庭詔楚雄人歲貢家素封鄉里貧乏者多所周卹宗族不能嫁娶者爲力成之橋梁路道捐修不吝妻向氏每以簪珥相助嘗曰子爲義士吾豈不能助義耶時人兩賢之

楚雄縣志

施琳大姚人樂善好施里中婚喪不能舉者助之邑故無倉廩糧米皆輸於郡琳捐資設倉所建橋梁甚多

大姚縣志

金章大姚人慷慨有爲不畏強禦歲歉輒貸粟以濟貧不能償者焚其券有李姓獲罪其妻失鍍金欲自盡章貸納之後生六子皆成名人皆以爲盛德之報

大姚縣志

丁惟恕楚雄人剛直性成善事父兄年近八十不改素履僞官索餉抗而不屈杖死無乞憐語

楚雄縣志

郭子容楚雄人何泰榜名漢鎮南人舉人任金堂知縣劉聘廣通人均以樂善好施稱於鄉黨

楚雄縣志

關偉字世遠姚州人乾隆間戶科典吏也始以家貧不勝戶役入戶科司書算爲免役計爲人矜重不苟長官器重之命赴省解送糧課

時幕僚誤收他銀入解數內偉不知也繳庫時執牒核對銀浮解數二百兩庫吏欲徑取乾沒偉執牒力爭卒取浮銀歸繳州牧喜其廉幹旋命補充典吏糧戶繳納立即登册給票免守候之苦其銀色太劣錢數短少者輒以己所應得錢補其不足諸吏皆笑其迂偉曰吏所得錢民之錢也以得於民者用於民雖行吾惠不費吾錢不亦可乎吏滿赤手歸貧乏如故以耕稼樹畜自給有子五人各授職業一任稼圃一畜牛羊一種果蔬一畜雞翼卵一畜蜂採蜜歲所入各一二百金十年致巨富購田宅子姓繁衍詩書繼美爲州南之冠

採訪

李春郁大姚諸生善治家家人數十口上下雍睦子弟馴行無廢業者尤勇於義道路橋梁有礙行人皆力爲倡修年終出粟帛濟貧窮及廢疾者歲以爲常里人咸重其行

光緒志

方麗中大姚人貢生少有孝行晚年家居授徒歲得館穀遇寒凍則給衣值時疫則送藥施棺掩骼無不傾囊爲之咸豐己未冬賊據城相戒曰勿擾方善人家未幾卒

光緒志

郭兆燿字炳星一字聚五鎮南人年十二父慶先歿事孀母劉孝性嗜學亂作而學不廢迨承平入州庠生幼嘗誦陰騭文鎮南學宮燬於兵兆燿謂陰騭文有創修廟宇之訓而廟壇莫尊於學宮祀典莫正於孔子遂慨然邀集地方官紳從事修建不辭勞瘁工程至十餘年之久竟將學宮修復舊觀手植松柏數百株於庭廡下厥後翠黛參天壯宮廟之觀瞻州人皆謂兆燿培壅灌溉之力他如建書院修河堤莫不力贊成之其族數百家向無祠堂兆燿集族人詔以敬宗收族大義釀金營建祖祠成又語其子燮熙曰祠不建無以崇禮祀

譜不修則無以辨族性命燮熙屬草而已裁定之年六十九卒燮熙

光緒戊子舉於鄉負文名人謂其善報云

甘孟賢撰家傳

羅宗閔字紹騫姚州人同治間武庠生也慷慨好義凡鄉中善舉有關民生日用者皆挺身倡之費用不足則出其家財以濟其鄉有黑壩壩軍興後爲山水沖決沙泥涇阻蓄水日少又壩心有民田數百畝壩閉水漲則淹沒田畝每致興訟壩遂廢宗閔於鄉人集資購其田歸公而深濬之增高隄防改山水別流遂免淤塞之患又於舊壩上復開一壩兩壩相灌注溉田甚廣鄉人至今享其利

採訪

曹國華字瑞臣姚州人遭繼母斥逐遠走緬甸暹羅間嗣往南安州之石羊廠傭作有臨安楊氏父子以開礦獲大利招之主會計凡八年而沙丁之亂作楊父子爲讎家謀殺投屍於江國華潛以楊所積

白金二千兩馬二匹及什物數十件徙藏崖穴間事稍定以馬載銀物間道至臨訪其家而歸之楊僅一婦一幼子在室不知其父子皆被害也國華具告其事楊婦感德泣命其子以叔父之禮事之留主家政二年辭歸再往石羊有姚人何姓在廠獲厚貲積黃金三十錠羣不逞之徒日伺其歸而將劫諸塗何知之不敢歸聞國華於臨安之楊氏事知可託以財遂祕以三十餘錠付之使攜歸國華腰纏其金詐爲乞人還姚盡以金歸何氏家後數月何赤手歸驗其金不遺一錠感甚將重酬之國華辭不受但受塗中食費而已自是年漸老倦於遠遊就州城佃圃種蔬命妻子偕作于圃內鑿小池溉蔬夏旱乏水鄰人紛紛挹其池水盡國華圃內無涓滴之潤旁人皆爲不平國華弗與較竟往城外汲水一日汲水於撞鐘樓下之積水池有某

氏婦臨池澣衣遺釧池邊國華過而見之拾而置諸懷急往婦家詢之婦因失釧故爲姑夫所追迫將自盡矣國華取諸懷而畀之事遂息婦命因是得全云

採訪

張廷梁姚州人以耕稼畜牧致富能分有餘以潤戚友有族叔年老無子迎養以終族子三歲喪父母收撫之爲娶婦授產廷梁目不知書好與士人遊習聞二氏之非寢疾遺命子孫喪葬用儒禮勿作佛事光緒二十二年卒年八十四六子十餘孫丁口百餘人子姓繁衍爲州西之冠

採訪

郭士瑞字子方姚州人諸生性嚴正篤於族姓光緒初大難甫平士瑞倡建宗祠聚族內子弟自課之又籌資積穀以每歲七八月查族人

人不給者計丁口多寡以穀出貸秋收取償逋者有罰行之二十餘

年人以爲便暇則以修職業戒遊惰申儆族人其族六十餘戶悉無彈絃歌舞飲博滋事者採訪

李中清字鏡溪姚州人武庠生事父以孝謹稱同治中大亂初平人民凋瘵有司命中清九坊事清保甲均田賦及一切攤派輸納皆書之中清中清一秉至公未嘗陷害一人浮收一錢詞訟有負屈者白有司申理窮乏者時有周卹初中清艱於嗣年五十生一子讀書遊庠繼其家聲人以爲公直之報採訪

澂江府

明

侯福緣江川人官兵科給事中生平樂善好施凡遠近婚喪無力告貸與夫修橋築路向其請求者無不解囊相助又復周濟因窮掩殮

新纂雲南通志

卷二百二十三 義行傳二 楚雄府 清澂江府明

一一

死亡所貸不索償所濟不矜功歿之日鄉人感其德爲塑泥像於王官廟數百年後香火猶盛云採訪

黃閣河陽人扶危濟困見義勇爲夏施茶水冬送衣炭病者調藥喪

者贈棺置義冢義房歲飢設粥以賑嘉靖間錫以義官冠帶澂江府志

劉獻可字于廷新興人諸生事親孝睦宗黨能周人急偷兒夜入室獻可覺之予錢米戒改行後獻可渡河幾溺得偷兒拯救獲全萬曆

中巡按旌之澂江府志

王攜拄字天香前新興土州判也生平以誠待人睦宗族矜孤寡其待部民尤寬愛養夷民如腳白三寨因案罰金三百攜拄不自私爲之開溝引水灌田千有餘畝報墾每畝納銀二分俾夷民得以永遠耕種至今猶利賴焉採訪

清

李冕字君華河陽人讀書通大義孝友嫺睦讓產弟兄好善樂施修橋梁濟貧乏代人贖妻子以全骨肉行多陰德以子發甲貴贈如其官

雍正志

徐占甲新興人康熙乙卯劉君顧署州篆有惠政後君顧擢楚雄知府殉流寇難占甲千里跋涉冒險入賊巢覓其骸骨贖其母妻幼女迎養於家葬骸骨於城東北栗園人高其義

新興州志

案康熙乙卯以後無流寇是時吳三桂已反或係殉三桂之難也

俟考

道光志

林漢文字中選新興人諸生敦倫睦族得遺金仍還原主每歲底以衣米給貧乏納產婦於別室全活母子廣施藥餌以濟顛危鄉黨重

新纂雲南通志

卷一百二十三

義行傳二

澂江府

清

之新興州志

李金安新興人監生為人謹厚奉母命捐送玉溪書院田一百九十畝白金二千餘兩以為束脩膏火之需為時所稱

道光志

趙廷佐新興諸生性慷慨好施與族黨中有吉凶禮不舉者輒資助之精醫術多奇效時疫流行醫皆卻步廷佐毅然曰救疾如救火死生有命安忍坐視乎往診不擇地不擇時無力者授以藥頻年不倦全活頗多年八十餘無疾卒子智克承先志其清操素履亦為鄉人推重年八十三終

光緒志

李纘甲字繼登河陽人賦性誠樸樂善好施贈藥施茶建橋修路掩骨埋胔戒殺放生排難解紛勸人無訟里黨目為義士趙士麟有恆道人善行序恆道人纘甲自號也

澂江府志

黃爾泰字履安江川人道光辛巳選舉孝廉方正樂善好施置義田施棺木修街道建文武廟均公而忘私鄉里稱之訪採

李昭字恐彰河陽諸生年三十九喪妻有子遂守義不娶年八十有

二學使旌其門曰守義宜年光緒志

周雲藻江川貢生少貧躬耕養親年二十餘喪妻守義不娶撫子成

立訪採

馮飛熊字渭濱新興人嘉慶己巳武進士性慷慨好義新興城南村屯高亢乏水飛熊引金汁溝水溉田功虧一簣因訟遂寢輿論惜之子萬清與父同榜進士值歲荒歉鄰里有借貸者萬清均付與之有不能舉炊者密令人以米送其家一時有善人之稱咸豐庚申匪焚州城延燒民房甚多火至馮氏屋而止人以爲積善之報云訪採

黃德金字少白江川人邑庠生樂善好施建象山石橋又建樂豐橋於北門外凡鄉里義舉靡不樂輸常隨力周濟貧乏閭里咸以善士目之訪採

甯先聲字蜚音江川人邑庠生飭躬勵俗樂善好施每值荒歉輒出所有減價以濟貧民又捐田數畝以濟族鄰之貧者歿後數十年鄉人猶稱道弗衰云訪採

潘永清字晏海新興人武舉經商獲厚貲恆置棺施貧民製棉衣給耄老者儲藥於家索者則與之每年關預計邑中貧民酌給錢米光緒間境內荒歉永清賑饑無算玉溪橋傾圮與李名蹊李國華修建如初又鑿金汁溝灌溉民田數千畝邑令以急公好義旌之訪採

順寧府

清

杜堂字彥門順寧縣人乾隆甲午副貢父兄早亡弟姪俱幼家極貧堂日則傭作夜則課讀弟姪皆補弟子員乾隆五十八年鄰人許紹恆染時疫一門八口臥牀不起親戚皆避去堂獨以身周旋日三至其家扶持備至幾及一月疾癒乃已鄉黨重之

道光志

曲靖府

明

張化尋甸人與從弟文忠居家孝友尋甸舊無學嘉靖間化與文忠屢呈請建學不報遂鬻產赴京叩閣得俞旨知府戴鼈旌其門曰尋

陽義人

雍正志

楊科羅平人者氏頭目人初者繼榮弑父科曰亂臣賊子人人得而

新纂雲南通志

卷二百二十三 義行傳二 順寧府 清 曲靖府 明 一四

誅之彼不知有父吾安知有主乎潛赴省訟之卒滅者氏羅平歸流

科力也

羅平州志

楊必達馬龍人諸生嘗捐銀五百兩置驛莊以蘇時困勤王之舉出

家貲募數百人以行

馬龍州志

徐欝陸涼人樂善好施創建義倉捐穀千石為貧民借種之計遇荒

歉散賑多所全活又買學田立義塚造津梁生平行事有足稱云

陸涼州志

彭世忠字月田馬龍人由吏員仕至普安州同賢聲素著時巡按某聞其名使入幕治案牘每錄囚至不可得生者則焚香告天謂非己力所能拔會巡按夜分省視諸從事值其拜禱驚問之世忠以實對自是深重其人一切獄情盡以付之全活甚衆致仕後壽至八十乃

卒

馬龍州志

馬邦俊尋甸人萬曆間選貢任桂東知縣擢潯州府通判致仕歸捐

宅建學

雍正志

馬新民尋甸人萬曆間選貢任新興教授多隱德嘗見人偷刈其稻則取他路歸又盜入馬廩爲家奴所獲新民釋而與之金使營利自活一夕夢箕星流於庭及旦得子因名夢箕見鄉賢傳

光緒志

胡宗元曲靖人故越州衛萬戶爾綏之仲子也以兄終弟及遂守世職讀書有大志落筆成文弱冠補弟子員自崇禎甲申國變後憤懣之氣形於詩歌讀古人書遇忠孝節義事輒慷慨擊節戊戌十二月偕妻錢氏避兵西山歸道遇遊兵劫掠恐被辱遂共投馬槽河中適一蒼頭瞥見力援之宗元不得死錢氏死矣家人撫其身尙微煖口中汨汨作水聲久之乃甦嘆曰徒苦我無益也既謂寒甚索衣明日

新纂雲南通志

卷二百二十三 義行傳二 曲靖府 明清

一五

錢氏復自縊於小樓即胡氏別業也

李思接節烈錢淑人傳

清

陳鳳韶羅平增生事生母及繼母以孝稱性尤慷慨每見橋梁坍塌捐修皆獨任之同治十三年州大饑出粟賑濟全活甚多

光緒志

樊上林字級三宣威庠生仁厚和平重義輕財周濟鄰里歲以爲常族黨有屢貸不能償者焚其券反與之田一日車夫借宿止外舍失火廬焚車夫逸鄰人欲報官究治林止而自咎至今鄰里稱焉

光緒志

張源字金泉霑益人性樸誠好義輕財居市無欺見人急必周之鄉鄰貸無不允間有不能償者又資之家由是中落子文端舉於鄉終

年七十餘

光緒志

桂體乾字立齋霑益諸生奉回教性方正丙辰丁巳亂作州里多被

蹂躪體乾每以大義責亂首餘衆折服凶燄稍斂所居卡郎地方附近漢民村堡均獲保全焉卒年七十有五

光緒志

田肇字馬龍人增生性好施與居恆恤孤寡濟貧乏施藥餌遇荒歉則倡捐義穀民多爭水構豐爲立會以平之所居近夷俗尙火葬肇字委曲勸導遂漸革孫曾繞膝列庠序年八十九終

光緒志

義僕失其名霑益人有一虎入室方撲其主僕偶自外至手無寸物直前曳虎尾繞柱而走虎尾竟爲之斷鄰人擁至共擊虎斃之主賴以免

霑益州志

李文耀字星彩宣威人武生父學聖以幹練承辦地方公務馬聯陞忌之襲其堡火其宅學聖先事預防與族鄰均免於難文耀度量寬宏喜怒不形於色善治生承前人之業而光大之致產幾數十萬慷

慨揮霍外交當道內睦鄰里於貧困告糴者除計值多與外必飲食之不令空出捐資積穀爲凶災備地方咸受其惠時當變亂江邊柳氏屢謀執之襲之者三皆免人以爲福德兼至云

宣威縣志

徐楚字翹林宣威人貢生少負氣節遇事多慷慨已而習爲恭謹訓課之餘終日斂膝危坐與人接笑言不苟手足不輕移其鄉人歲時與接四十年終從未見其以足加膝常往視其田禾水有惡少推之溝中族子弟遙望見攘臂掀拳將與惡少爭楚曰吾適墮溝中幸渠引手援耳其含容類如此年八十六卒

宣威縣志

高炳宣威人龍場巖腳夷曰爲人頗明大義李竜波之亂從者如鶩炳獨卻其聘拒不與通且誠夷屬曰勿作賊作賊身將不保夷或信或否賴以獲全者亦夥村中貧民或無力婚葬炳輒出私財佐之朝

陽洞風景頗佳而失於培補炳建寺其間稱名勝焉行年八十而卒

宣威縣志

符聯瑞字輯五宣威人事繼母以孝聞嘗有過母不責而泣以語激之立自悔礪名節幼習弓馬應武試不售援例授同知職銜性剛斷釋糾解紛片言立決遇歲歉糴穀者來察其貧必飲食之而璧其值凡修橋建祠設學施棺等善事知無不爲地方人多禮敬之歷任州牧倚爲西鄉屏蔽大小公務無誤也延師課子供奉甚優渥子亦象賢長次三分往國內外留學皆成名

宣威縣志

侯啟元字開先宣威人治家有法待人有恩每秋成時率子弟簡視佃民禾稼分上中下登簿徵租校常額有減無增歲歉則出粟計口貸之償者收不償弗問戚舊告助必量力給之婦女悉令紡織時獎

新纂雲南通志

卷一百二十三

義行傳二 曲靖府 清

一七

勸之啟元少孤或利其財產陰謀賊之佃民強有力者嘗代之受戈免其租終身善視之陰謀人既死其有存者復與篤親舊誼不復念

前事

宣威縣志

何新春字清溪霑益人性剛直尙勤儉務農經商教養子姪均讀書成名喜謀公益事至老不倦縣城西北有天生壩日久傾圮沿流居民頻年修補督者不善聚訟於官宣統二年知州陳鑄聞新春名委之董理壩告成陳牧嘉之贈額曰尙齒尊賢云

探訪

趙掄元南寧人壯歲經商同慶豐商號誤夾銀五百兩於草果包中以付趙運歸拆貨突得此銀慷慨送還輕財尙義名噪一時樂善好施老而不懈如七仙橋一品橋德澤大橋丁家橋皆其倡建其他

施濟尙多云

探訪